



28. januar 2010

Inatsisartuts suleriaasiani § 36, imm. 1 naapertorlugu ataani allaqqasoq apeqqut matumuuna Naalackersuisunut saqqummiuppara:

Naalackersuisunut apeqqut:

Sulisut inissaannik attartornermut Peqqinnissaqarfik qanoq amerlatigisunik aningaasartuuteqarpa aamma aningaasartuutit taakku ilaat qanoq amerlatigisut attartortitsisartunut namminersortunut tuttarpat ?

(Inatsisartutni ilaasortaq Andreas Uldum, Demokraatit)

Tungavilersuut:

Partiit tamarmik isumaqatigiissutigaat, peqqinnissaqarfipput sapinngisamik kusanarnerpaamik pitsaassuseqassasoq. Aammali tamatta nalunngilarput, aningaasat paarnatut nunianeqarneq ajortut taamaattumillu killeqanngitsumik Peqqinnissaqarfik aningaasalersorsinnaanngikkipput.

Iliuserisinnaasarpulli tassaavoq, paasiniassallugu aningaasaliissutigisartakkagut iluamik atorneqarnersut, tamannarpiarlu anersaaralugu aperigama paaseqquara.

Qularutissaanngilaq, soorunami Peqqinnissaqarfimmi sulisut ineqartussaapput, matumanilu apeqqutaavoq ullumimut naleqqiullugu allaanerusumik inissarsiuussisarneq aaqqiivigisinnaannginneripput.

Assigupajaartoq oqaatigisinnaasarpur tassaavoq Tuapannguani inissiat sulisunut inissianngortinneqarnikuusut, siunissaq ungasinnerusoq isigalugu akikinnerusussaamat. Aassigusumik Peqqinnissaqarfimmi aaqqiisoqarsinnaannginnerami ?

Kissaatigaara apeqqutinnut akissutissaq kisitsisitigut takussutissartaqassasoq ersersillugu sulisunut inissanik attartornermi qanoq aningaasartuuteqartoqartarnersoq ilanngullugu ersersillugu aningaasartuutit ilaat qanoq amerlatigisut attartortitsisartunut namminersortunut tuttarnersut. Kisitsisitigut takussutissat illloqarfikkuutaarlugit takussutissiarineqarsinnaapput, aningaasartuutigineqartartut assersuussinnaajumallugit.

Apeqqut akeqquneqarpoq ullut suliffiit naliginnaasut qulit qaangiutsinnagit.